



Na osnovu člana 38. Statuta Općine Busovača-prečišćen tekst („Službeni glasnik Općine Busovača“, broj: 8/13) i Odluke Općinskog vijeća Busovača o utvrđivanju općeg interesa za kupovinu zemljišta u svrhu izgradnje nove zgrade JU Dom zdravlja Busovača broj: 02-02-1-2193/24 od 18.04.2024. godine raspisuje

Javni poziv za dostavljanje ponuda za kupovinu zemljišta

Predmet poziva

Općina Busovača na čelu sa Općinskim načelnikom, a na osnovu Odluke broj: 02-025-1-2193/24 od 18.04.2024 kojom je utvrđen opći interes za kupovinu zemljišta u svrhu izgradnje zgrade JU Doma zdravlja raspisuje javni poziv na koji se pozivaju se sva zainteresovana fizička i pravna lica za dostavljanje ponuda za prodaju zemljišta. Zemljište treba da se nalazi na području Općine Busovača, odnosno u užoj gradskoj-stambenoj poslovnoj zoni, minimalne površine od 1.800 m².

Uslovi za izbor prihvatljive ponude

- Da je ponuđeno zemljište (lokalitet) u vlasništvu ili suvlasništvu ponuđača - fizičkog ili pravnog lica.
- Da je ponuđeni lokalitet na zadovoljavajući način infrastrukturno opremljen (voda, struja, kanalizacija, pristupni putevi itd).
- Da u okviru ponuđenog lokaliteta postoji mogućnost rješenja saobraćaja u mirovanju putem obezbjeđenja odgovarajućeg broja parking mjesta za motorna vozila,
- Da je zemljište udaljeno do 200 m od magistralnog puta.

Sadržaj ponude/ potrebni dokumenti

Ponuda se dostavlja u pisanoj formi.

Ponuda sadrži:

- Ime/naziv, adresa/sjedište, kontakt telefon ili e-mail ponuđača (fizičkog ili pravnog lica),
- Ponuđenu cijenu lokaliteta/zemljišta,

Potrebni dokumenti:

- Kopija katastarskog plana i posjedovni list za ponuđeni lokalitet, ne starija od 15 dana od dana prijave na Javni poziv original ili ovjerena fotokopija), kao dokaz o posjedništvu - ponuđenoga,
- Ovjerena Izjava o saglasnosti suvlasnika ponuđenog lokaliteta ukoliko je predmet ponude suvlasničko zemljište, ne starija od 15 dana od dana prijave na Javni poziv.

Kriteriji za ocjenu prihvatljive ponude :

- Ponuđena cijena lokaliteta/ zemljišta,
- Zadovoljavajuća površina i položaj ponuđenog lokaliteta
- Zadovoljavajuća opremljenost lokaliteta potrebnom infrastrukturom saobraćaja, vode, struje, kanalizacije, plina, ptt itd,

Završne odredbe

- Dokumenti dostavljeni od ponuđača po Javnom pozivu neće se vraćati.
 - Sve dodatne informacije u vezi Javnog poziva sva zainteresovana lica i ponuđači mogu dobiti u Općini Busovača svakim radnim danom u vremenu od 11 do 15 sati do dana zatvaranja Javnog poziva ili putem telefona: 030/732-172.
- Poziv ostaje otvoren 8 dana od dana objavljivanja na službenoj web stranici i oglasnoj ploči Općine Busovača.

Broj: 01-02-1-2222/24
Datum, 19.04.2024.god.

OPĆINSKI NAČELNIK

Asim Mekić, dipl.ing